



Inatsisartuni ilaasortaq Karl Lyberth, Siumut  
Maani

**Umiatsiaaraq M-19 inuussutissarsiutitut atorneqartussatut akuerisaasoq pillugu, Inatsisartut suleriaasianni § 36 naapertorlugu apeqqummut akissut**  
Inatsisartut suleriaasianni § 36 imm. 1 naapertorlugu Maniitsumi amutsivimmi sananeqartartoq umiatsiaaraq M-19-ip, inuussutissarsiutitut angallatitut akuerisaanera pillugu apeqquteqarputit. Apeqqutit uannit akineqartussatut innersuussutigineqarpoq.

22. februar 2010  
j.nr. 01.28.2010-36

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@gh.gl  
www.nanoq.gl

Apeqqut:

Maniitup Amutsiviani umiatsiaaraq sananeqartartoq M-19 inuussutissarsiorter-  
mi atugassatut akuerineqassappat kikkut akuersissummik allagartaliisuussappat?

Akissut:

Søfartsstyrelsen tassaavoq, angallatinut inuussutissarsiutitut atugassanut akuersisarpoq. Umiatsiaaraq M-19 angissutsip uuttuutai naapertorlugit angissutsimut uuttuutip 20-p (takissutsimut silissutsimullu uuttuutit tamarmiusut) ataaniippoq, inuussutissarsiutigalugulu angallatit taama angissusillit sananeqarnerannut atatillugu malittarisassanik atuuttunik peqanngilaq. (Siusinnerusukket Det Norske Veritas ”Blå skilt” atuukkalarpoq).

Akuersissutiginninneq imatut ingerlanneqartarpoq. Piginnaatitsissummik Pigmaqartup (*Notified Body*) umiatsiaaqqap sunngiffimmi angallatigineqartussap sananeqarneranut tunngatitaq ilisarnaasiussa CE tunniuttarpaa.

Søfartsstyrelsep suleriaasissamisut toqqarsimavaa, umiatsiaaqqat imaluunniit angallatit mikinerusut angissutsimikkut tamarmiusutigut uuttuutip 20-p ataaniittut, sunngiffimmi angallatitut pertujaassuseq, puttalasinnaassuseq aamma puttasinnaassuseq naapertorlugu CE-mik ilisarnaammik tunineqarnissaminnut angusisimasut, angallatitut inuussutissarsiorter-  
nermut atorneqarsinnaasutut akuerineqartarnissaat.

Piginnaatitsissummik pigisaqartut CE-mik ilisarnaammik tunniussinnaasut Søfartsstyrelsep nittartagaani takuneqarsinnaapput.

Ilanngunneqarsinnaavoq umiatsiaaqqamik pissarsiniarnermi inuussutissarsiutillit inuussutissarsiorterannik siuarsaaneq pillugu aaqqissuussineq aqutugalugu umiatsiaaqqamut tapiiffigineqarsinnaaneq anguneqassappat, umiatsiaaraq CE-mik ilisarnaasigaasimassammat aamma CE-mik akuersissummi immikkoortoq C imaluunniit suli pitsaaneq anguneqarsimassammat.

Inussiarnersumik inuulluaqqusilluta

Ane Hansen

Aalisarnermut, Piniarnermut Nunalerinermullu Naalakkersuisoq